

Pynlong ka Mawrasai United Social & Welfare Organization ia ka program 'Jan Jatiya Divas'



Shillong, Naiwieng : Ka Mawrasai United Social & Welfare Organization (MUSWO) ha ka 15 tarik Naiwieng 2024 ka la pynlong ia ka program Jan Jatiya Divas.

Ha kane ka sngi la don lang ruh u bah D.Rapsang, Officer Incharge ka NYK bad uba long ruh u kongsan ha kane ka sngi. La plie ia kane ka program da u bah Firstbon Kshiar, President ka MUSWO.

Haba ai jingkrean ha katei ka program na ka Liang u Bah D.Rapsang u la ong ba ia ka Jan Jatiya Divas la rakhe ha ka ri baroh kawei manla ka 15 tarik Naiwieng kum ka dak ka jingkyrnaw burom ia ki khlawait bashlur jong ki

riewlum. Kane ka juh ka sngi ka dei ka sngi kynmaw burom ia ka lyngkhuu sngi kha u Bhagwan Birsa Munda, u khlawait ki riwulum uba long u nongai mynsiem ia ki longdien mandien. Na ka liang u bah Rapsang u la pyrto ruh ia ki khlawait ka jaidbyriew kum u Tirot Sing bad Kiang Nangbah kiba aiti ia la ka jingim na ka bynta ban iada la ka ri bad jaidbyriew. Kiwei pat kiba ai jingkrean ha kane ka sngi ki kynthup ia u bah Justerwell Khongjoh (secretary shnong), Basbunlang Suting (President Club), bah Defender Kshiar abd kiwei kiwei.

Khyrwit ka Ukraine ia ka Russia da ki namding ka US ha ka sien ba nyngkong :Kaiphod



Kyiv, Naiwieng : Ki shipai Ukraine ha ka sien kaba nyngkong ki la ther da ki namding Army Tactical Missile System (ATACMS) missile sha ki bynta khappud ka Russia, ong ka lad pathai khubor ka Ukraine da kaba shim ia ka jingpynapw jong u heh shipai ka ri. Kane ka la wan long ruh tang shi sngi hadien ba u president jong ka US, u Joe Biden, u la ailad ia ka Ukraine ba kan pyndonkam ia ki namding kiba lah ban siat jngai ia kiba la pynioh da ka US na ka bynta ban ther sha ki bynta u pud u sam jong ka Russia.

shapoh u pud u sam jong ka Russia ka dei ka jingkylla kaba khraw ha ka polisi treikam jong ka US ha ka jingiakynad hapdeng ka Russia bad ka Ukraine. Ha kajuha ka por, u President uba dang shu shah jied thymmai u Donald Trump u la kular ban pynduna ia ka jingkyrshah jong ka US na ka bynta ka Ukraine bad ban pyntuk noh ia kane ka thma Ukraine kaba dang iaaid shakmat. Katei ka rai jong ka sorkar u Biden ka dei hadien katto katne bnai ba U President ka Ukraine u Volodymyr Zelensky ula pan jingbit ban pyndonkam ia ki tiar ia leh jong ka America na ka bynta ban ther shapoh u pud u sam jong ka Russia. Ki Army Tactical Missile

System (ATACMS) ki dei ki tiar siat namding kiba lah ban siat ha ka jingjai kaba haduh 300 km. Ka jinglah ban siat jngai ka dei kaba la pynlong kongsan bha na ka bynta ka Ukraine. Ia ki ATACMS la shna da ka kompani Lockheed Martin. La pynmeh ia ki da ka umphniang rocket kaba khlai bad ki bud ia ka lynti jong ki namding ballistic shapoh sui bngeng shwa ban wanphai bad her ha ka jingsted kaba jur bad ka angle kaba heh, kaba pynlong ia ki ban eh ban khanglad. Ka Kyiv ka la pyndonkam ia kine ki namding ban ther sha ki thong jong ka Russia ha ki jaka ba la bat da ka Ukraine lah palat shisnem mynta. Haduh mynta ka US kam

Shen yn wan jngoh u Vladimir Putin sha India; Dang pynbeit ia ki tarik :Kremlin



Moscow, Naiwieng : U President ka Russia u Vladimir Putin shen u pynlong ka jingwan jngoh sha India, ong ka Kremlin hynne ka sngi bad bynrap ba ka Moscow bad ka New Delhi ki dang pynbeit ha kaba iadei bad ki tarik. Kane ka jingwan jngoh kaba lah ban long ha kaba sdang jong u snem ban wan kan long shi bynta jong ka jingpynbeit ba la buh hapdeng kine ki ar tylli ki ri na ka bynta ka jingleit jngoh kylliang man la u snem da ki nongialam ki jong ki.

Kremlin, u Dmitry Peskov, u la ong, "Ngi dang khmih lynti ia katei ka jingleit jngoh. Ia ki tarik yn sa ia pynbeit lang shen." Kane ka jingpynbna ia ka jingwan jngoh jong u Vladimir Putin sha India ka la jia ha ka sngi kaba 1000 jong ka thma ha Ukraine bad ha kajuha ka sngi ba ka Russia ka la pynthymmai ia ka jingtreikam nukliar jong ka ha ka sien kaba ar, kaba la ailad ia ka Moscow ban thombor ia ki ri bym don nukliar lada donkam. Wat hapdeng ki jingpyrshang ban pyniasuk hapdeng ka Russia bad ka Ukraine, ka jingiakynad ka la nang jur bha ha kine ki

jingiakynad da kaba kdew ia ka jingeh hapdeng ka Russia bad ka Ukraine. "Ngi la iakynduh bad baroh ki liang ha ka jingeh hapdeng ka Russia bad ka Ukraine. Ka la long ka nongrim jong ngi naduh mynshuwa ba ia baroh ki jingiakynad lah ban pynbeit da ka jingiakren. Ngi ngeit ba dei ban don ki lad pynbeit ia ki jingiakynad da kaba suk. Ka India ka long kaba kloiban iarap ban wanrah ia ka jingsuk," ong u PM Modi. Ka India bad ka Russia ki iasam lang ia ka jingiatreilang kaba kyrpang bad u PM Modi u la ong ba ka New Delhi kan iarap ha kano kano ka rukom kaba ka lah ban iarap ban pyntuk noh ia ka thma bad ban wad ia ka lad kaba suk kaba lah ban pdiang da ka Russia bad ka Ukraine. UPM Modi, u la phah ruh wat da u Ajit Doval uba dei u National Security jong ka ri, ha kaba la iathuh ba u don ia ka jingthmu halor ka jingsuk sha Moscow ha kaba u la pynlong ruh ka jingiakynad ia u Vladimir Putin.

Khylllem pura ki kyndon aiñ ha Gaza; Shah lute 100 tylli ki trok ba kit ia ki lad jingiarap

Gaza, Naiwieng : Ka jingjia kaba pynkhihwin ka la jia ha ka thain shathie ka Gaza ha ka sngi Saitjaiñ ba la lah ha kaba haduh palat 100 tylli ki trok kiba kit ia ki lad aijingiarap ki la shah thombor bad shah lute naphang, kata ha kaba 97 tylli na ki 109 tylli ki trok kiba kit ia ki mar bam na ka bynta ka UNRWA bad ka World Food Program ki la jah rngai noh ha katei ka jingshah lute. Na ka liang ka UNRWA ka la shim ia kane kum kawei na ki jingjia kaba shyrkhei tam kaba ka la sakhii. Ki nongniah jong ki trok ki la shah pynbor ban pynhap ia ki mar da kaba shah pynpad da ki suloi, ba kane ka jingjia ka la wanrah ruh ka jingmysaw jong ki nongtrei jong ka kynhun jingiarap, katba ki kali ki la shah pynjulor.



jah noh shisyndon," ong u Lazzarini sha ki lad pathai khubor ha Geneva ha ka sngi Nyngkong ba la lah. Kane ka jingjia ka wan hapdeng ki jingmaham na ka UN ba ka jingduna bam bad jingiarap kaba jur ha Gaza kan nang jur lada ym lah ban shimkhia mardor. Ki riw paidbah kiba phet krad na ka thain shatei jong ka Gaza ki iathuh ia ka jingduna bam kaba neh slem bad ka jingiap kaba iadei bad ka jingkyrdud bam, ha kaba ki tnat ai jingiarap ki maham ia ka jingiap thngan kaba la ap hajan. Katkum ka khubor jong ka NYT, ka Louise Wateridge ka nongaiktien jong ka UNRWA kaba don mynta ha Gaza, ka la ong ba, "Ki brieve ha kane ka por ki la duh jingkyrmen haduh katta katta halor baroh ki bynta. Ngi la wanphai biang

sha ka kyrdan kaba ngi iohi ia ki brieve kiba ialeh pyrshah shisha tang na ka bynta kawei ka pla mar bam." Dang shen ka parlaiam jong ka Israel ka la thep vote ban khang pyrshah ia ki jingtreikam jong ka UNRWA ka ha ki jaka ba ka Israel ka la bat ha ka bor, kata kynthup ia ka West Bank bad East Jerusalem. Ka Israel ka kam ba ka UNRWA ka don ka jingiaidei bad ka Hamas bad ka kyntiew ia ka jingshun pyrshah ia ka Israel, ki jingkyrnnoh ia kaba ka UNRWA ka kyntait mardor. Ka UNRWA ka la shah khanglad ban pyndonkam ia la ki jong ki trok bad ki nongniah kali bad ki hap ban leit sha ki bor synshar jong ka Israel ban pynbiang ia ki kali bad ia ki nongiarap kim shah wat ban don ki

ongap pahara kiba kieng atiar. Ka Wateridge ka la ong, "Ka long kum kaei kaei kaba mih na ka phlim sci-fi. Ki pyrshang ban iada ia ki kali kumjuh ia lade kata lah. Ki la hap ban pynhet stet bha ia ki kali bad pyrshang ban ym sangeh bad ki shu iaaid beit. Dei tang kata ka lad jinglada kaba ki don." Ha kajuha ka por, ki jingthombor jong ki liengsuñ ka Israel ha Gaza ka dang ia i bteng ban shim ia ka jingim jong kiba bun ki riw paidbah. Ha ka sngi Nyngkong, ki jingshah thombor ha ki liengsuñ ki la pyniap ia palat 50 ngut ki brieve, kynthup ia 17 ngut ki dkhot jong kawei ka longieng. Ka tnat ka koit ka khiah jong ka thain ka la iathuh ba kitei kiba la shah pyniap ki kynthup ia ki khyn nah bad uwei u khunlung ba dang kha shi taiew.

Kyllon iap u nongaiktien ka Hezbollah na ka jingther bom ka Israel ha Beirut :Kaiphod

Beirut, Naiwieng : Ka tyllong khubor pahara ka Lebanon, ka iathuh ba u nongaiktien ka Hezbollah u Mohammed Afif u la iap ha ka jingther bom jong ka Israel ha ka Sngi U Blei ba la lah ha ki bynta pdeng jong ka nongbah Beirut, kata kaba la thombor ia ka tnat jong ka Baath Party ka Syria ha Lebanon. "Kane ka jingthombor ha Ras al-Nabaa ka la pyniap ia u heh jong ki lad pathai khubor ka Hezbollah u Mohammed Afif", ong ka tyllong khubor pahara, da kaba kyntu ban ym pynpaw kyrteng namar ba kim shym la shah ban ai jingtip sha ki lad pathai khubor. U Ali Hijazi, secretary-general jong ka tnat jong ka seng Baath ha Lebanon u la pynthikna ia ka jingiap jong u heh jong ka lad pathai khubor jong ka Hezbollah u Afif, ong ka lad pathai khubor. Ki shipai Israel ki la kyntait ban kren eiei halor kane ka bynta, hynrei u Afif u dei uba khatduh eh napdeng kiba bun bah ki heh nongialam ka Hezbollah kiba la shah pyniap hadien ba ka Israel naduh ka 23 tarik Nailur ba la dep ka la sdang ban ther bom tyngeh ia ki jaka ba skhem jong ka Hezbollah hadien palat shi snem jong ka jingiatier markylliang ha ki thain khappud bad kane ka kynhun ba la kyrshan da ka Iran namar ka thma Gaza.

dang bteng ban pynkhuud bad kyndang ia ki jingtwa ha katei ka ba la shah thombor. U Afif, u dei shi bynta jong ka kynhun ba shapoh jong u hehdud ba la rim jong ka Hezbollah, U Hassan Nasrallah uba la shah pyniap ha ka jingther bom jong ki Israel ha u bnai Nailur ba la dep. Lah da ki bun bun snem u Afif u la kitkhlieh ia ka jingiaidei bad ki lad pathai khubor jong ka Hezbollah, da kaba ai jingtip sha ki nongthoh khubor na la ka jong ka ri bad nabar ri, kata bunsien hapoh ka jingtap jong ka jingbym pynpaw kyrteng. Ka lad pathai khubor ka la ong ba ka jingther bom jong ki liengsuñ ki nongshun (Israel) ka la wanrah ia ka jingpynjot kaba shyrkhei, da kaba pynyip ia ka jingdon jong kiba bun brieve ki bym lah ban batai kiba la sahkut ha ki jingtwa ha Ras al-Nabaa, ka jaka kaba don hajan ka embassy jong ka France bad ka skulbah. Shwa kane ha Lebanon, ka tnat ka koit ka khiah ka la ong ba ka jingther bom jong ki Israel ia ka shnong Almat kaba don shaphang shatei jong ka Beirut ka la pyniap ia 23 ngut ki brieve ba kynthup ia ki hynniew ngut ki khynnah rit. "Hapdeng ki iing ki sem kiba la shah pynmadan ki don tang ki khynnah, ki tymmen shynrang bad kynthei", ong u nongthaw ain ka Hezbollah u Raed Berro, da kaba kyntait ia ka jingkyrnnoh jong ka Israel ba ka Hezbollah bad ki tiar ialeh ki don hapdeng ki riw paidbah.

NOTICE FOR STIPEND AND BOOK GRANT
Application in plain paper are hereby invited from Non-sponsored undergraduate students undergoing course in B.Sc (Hons) Agri/Hort who are permanent residents of Meghalaya and studying in different recognized State Agricultural Colleges and Central Agricultural Universities of India during the academic session 2024-25 for the Stipend and Book Grant. For eligibility conditions, students are advised to visit the website www.megagriculture.gov.in. Last date of submission of application is on 3rd December, 2024 upto 17:00 Hrs.
Sd/-
Director of Agriculture (R&T)
MIPR No. 1339, Dt. 19/11/2024
Meghalaya, Shillong

PRESS RELEASE
This is for general information of all concerned that the results for admission into class KG in Pine Mount School has been declared and displayed on the school notice board from the 18th November 2024.
Sd/-
Principal
Pine Mount School

SYNOD COLLEGE::SHILLONG
Applications are invited for one post of Assistant Lecturer (College post) in the Department of Education, Synod College Higher Secondary Section. Minimum qualification are B.A. and M.A. Education with B.Ed. Complete application in standard form with attested copies of all relevant documents and contact details must reach Synod College, Shillong on or before the 2nd December, 2024.
Sd/-
Principal

यूनियन बैंक Union Bank of India
Regional Office, Housefed Complex, East End Building, 1st Floor, Guwahati-781006, Phone Nos : 0361 - 2660637 / 2660638, 2660066, E-mail: rh.guwahati@unionbankofindia.bank
KA JINGPYNBNA IA KA JINGDIE LILAM IA KA KSIAI
Kine kiba la fiw kyrteng harum ki la shim ia ka ram kiar na kine ki tnat tri kam jong ngi harum da kaba buh bynda da ki jingdeng kiar bad kim shym ia lah shuh ban siew dep ia ka ram ha ryngkat bad ka suk kat kum ki mat bad ki kyndon ba la lakut bad hadien kata la pynrung ia ka account sha ka NDA. Wat hadien ka jinglai kyrpad bad jingpynkymaw na ka liang jong ngi, ki nongshimram kim shym la siew ia ka ram bad pylait ia ka jingdeng ia ka kiar. Wat hadien ladep bam phah ia ka demand notice bad sale notice sha kine ki nongshimram ba la kdew kyrteng harum, kim shym la lah ban wyan pyntuk noh ia ka loan account. Kumta la pynyip biang sha kine ki nongshimram ba la kdew harum ba kin wan siew dep ia ki ram kat kum ki loan account jong ki bad ban pyntuk noh ia ka account ha lane shuwa ka 21.11.2024 lada kim lah ban leh kumta ia kane ka jingbuh bynda kiar ha ka bank yn die lillam noh ha ka 22.11.2024 por 11 a.m ha kine ki tnat tri kam ba la kdew harum. Kitto kiba kwah ban iashimanta ha kane ka jingdie lillam ki lah ban kynduh ha ka branch na ka bynta ki jingtip kiba kham bniah:

Sl	Branch	Kyrteng Nongshimram	Loan Account No	Ka Jingkhia
1	Laitumkharh, Shillong	Cheerfulness Thangkhiw	10122654000011	10.22 gram

KI KYNDON KA JINGDIE: 1. Ka Bank ka tyngkai ia ka hok ban pynkylla/pynbha/pynsangeh ia ka por jong ka jingdie khlem kano kano ka jingpynidaw. 2. Yn ym pdiang la kano kano ka jingdawa hadien jong ka jingdie lillam ia ki jingdeng kiar. 3. Ka Bank ka tyngkai ia ka hok ban pdiang, kyntait ia kno kine noh baroh ki jingtyrwa dor ha kano kano ka por, ka jingpynbna bad kiar ia kine kine ki jingbuh kyndon jong ka jingdie kat kum ka rai ba ka sngewbit.
Tarik pot por jong ka jingdie lillam: 22.11.2024 por 11.00 A.M
Jaka: Guwahati Contact Person: Mr. Prabin Sen **CHIEF MANAGER**
Tarik: 18.11.2024 Mobile: 9854572269 **UNION BANK OF INDIA**